



PRAYER | UNITED

JEMPUTAN KEPADA SEMUA GEREJA-GEREJA

September 16, 2014

SATU PANGGILAN 24-7 DOA UNTUK NEGARA

MENGGERAKKAN DOA TANPA HENTI SELURUH
NEGARA UNTUK 2 TAHUN YANG SETERUSNYA
UNTUK MENJADI BERKAT KEPADA MALAYSIA

2 Tawarikh 7:14

dan umat-Ku, yang
atasnya nama-Ku
disebut,
merendahkan diri,
berdoa dan mencari
wajah-Ku, lalu
berbalik dari jalan-
jalannya yang jahat,
maka Aku akan
mendengar dari
sorga dan
mengampuni dosa
mereka, serta
memulihkan negeri
mereka. (ATB)

INILAH WAKTUNYA UNTUK DOA 24-7. Masanya sudah tiba untuk gereja-gereja di Malaysia untuk bangkit menyahut panggilan untuk berdoa tanpa henti untuk negara. Sudah terdapat sangat banyak pengesahan bahawa inilah jalan di mana gereja perlu berjalan – iaitu sekarang inilah masanya untuk semua orang untuk memberi diri mereka kepada doa 24-7 yang tidak berhenti dan tidak terputus.

KOMITMENT SELAMA DUA TAHUN. Dalam suasana yang dipenuhi dengan tragedi, cabaran dan kejatuhan yang cepat dalam situasi sosiopolitik, tekanan yang semakin hebat ke atas gereja, kita percaya bahawa kita memerlukan komitmen tidak kurang daripada dua tahun untuk memberi perlindungan doa untuk negara ini untuk menentang malapetaka yang akhirnya akan membawa pemulihan.

DIBERKATI UNTUK MENJADI BERKAT. Kita percaya bahawa melalui doa umat-Nya, Tuhan akan memakai jemaat-Nya untuk menjadi berkat kepada negara, menjadi agen keamanan dan kedamaian, dan menjangkau orang-orang sekitar kita dalam kasih walau pun dalam keadaan sukar dan cabaran yang kita hadapi.

BERMULA PADA 16 SEPTEMBER – HARI MALAYSIA. Tarikh yang rasmi untuk komitmen dua tahun ini akan bermula pada Hari Malaysia, 16 September 2014 pada pukul 12:01 a.m. Semua gereja dan rangkaian doa didorong untuk menghidupkan dan menggerakkan jemaat dan kumpulan doa anda dan memulakan rantai doa anda walau pun sebelum tarikh permulaan yang rasmi itu.

Kenapa adanya Panggilan Doa 24-7?

Ahli-ahli dalam Jawatankuasa Prayer United bertemu baru-baru ini dan bersetuju sebulat suara bahawa Malaysia berada dalam keadaan yang mendesak untuk dibungkusi dalam doa dan inilah waktunya. Malah keyakinan ini telah bermula beberapa waktu lalu melalui pelbagai konferensi dan perjumpaan doa yang kami adakan bersama-sama.

Sepanjang waktu sejarah, Tuhan telah memakai umat-Nya dalam doa yang tanpa henti terutamanya dalam waktu-waktu krisis seperti berakhirnya apartheid di Afrika Selatan, atau penerobosan yang istimewa seperti dalam 100-tahun 24-7 doa oleh masyarakat Moravian yang menjadikan mereka sebagai perintis dalam pergerakan misi Protestan yang besar dalam abad ke-18 dan ke-19. Ini yang dirasakan oleh gereja di Malaysia untuk melakukan perkara yang sama. Ia bukannya kempen doa secara tiba-tiba tetapi sudah tiba masanya untuk gerakan 24-7 kebangsaan untuk menyeru gereja hidup dalam kekudusan dan kesatuan, untuk memberi perlindungan doa untuk negara bagi menentang kemerosotan dan malapetaka yang berterusan, dan untuk memohon berkat dan kesembuhan daripada Tuhan untuk pemulihan kerohanian-moral dan sosiopolitik di dalam negara kita.

Mendapatkan Orang Kristen Datang Bersama-sama

Prayer United ingin mendorong dan memberi tantangan kepada semua gereja untuk menyertai inisiatif doa kebangsaan ini untuk membungkusi seluruh negara ini dalam doa. Anda boleh melakukannya dalam kumpulan kecil atau dalam gereja setempat anda. Lebih baik lagi jika kamu bergabung dengan semua gereja di kawasan atau zon kamu atau dalam denominasi anda. Anda boleh melakukannya dalam banyak cara bersesuaian dengan apa yang Tuhan nyatakan dalam hati anda untuk dilakukan! Tujuan kita adalah untuk menghubungkan diri kita ke dalam satu 24-7 doa berantai yang tidak terputus.

Bahan-Bahan Untuk Berdoa

Prayer United memberi komitmen untuk menyediakan bahan-bahan doa dan informasi doa untuk menolong anda dan kumpulan anda untuk berdoa. Sebagai panduan umum untuk berdoa, kami akan menggunakan dokumen **Pray4Malaysia**. Ini akan disusuli dengan bahan doa dua bulan sekali yang akan diedarkan melalui rangkaian doa masing-masing.

Badan-badan Penaung, Denominasi dan Rangkaian Doa dalam Prayer United.

1. Majlis Gereja-Gereja Malaysia
2. National Evangelical Christian Fellowship
3. The Methodist Church in Malaysia
4. SIB Sarawak
5. SIB Sabah
6. SIB Semenanjung
7. Assemblies of God Prayer Commission
8. Pastors' Fellowship Kota Kinabalu
9. Kuching Ministers' Fellowship
10. 24-7 Prayer Malaysia
11. Malaysia National Prayer Nurturing

Memerlukan bantuan?

Sila hubungi pemimpin badan-badan penaung, denominasi dan rangkaian doa masing-masing secara langsung untuk maklumat, bahan-bahan dan info terkini yang selanjutnya. Sila majukan semua pertanyaan ke alamat e-mail umum iaitu: prayerunited.my@gmail.com